

Pueblo a reacciona furioso:

COMISARIO NECTAR MESTER WORDE KITA DI TRABAO

ORANJESTAD (AAN): Ayeramainta tempran miles y miles di lector di DIARIO a keda boca habri ora cu nan a haya di lesa cu comisario di Cuerpo Policial di Aruba, Alwin Nectar a declara cu tabata tin polisnan cu a declara cu si Eddy Bennet bay demostra un biaha mas nan ta tira riba dje!!!

Ta hopi cos for di sla a tuma lugar durante ultimo añanan cu a pasa na Aruba den diferente departamento di go-

bierno caminda cu asuntonan inaceptable a ser hinca den doofpot, pero loke a pasa den e caso Bennet den corte e siman aki, ta sobrepasa tur limite di aceptacion y di tolerancia, pa no papia mes di moral.

DIARIO su telefoonnan tabata red hot ayera y ta tras di otro pueblo tabata yama pa duna nan reaccion di rechazo total riba loke comisario Nectar a declara den corte contra

polis Bennet.

Ningun hende na Aruba por a kere cu e isla aki lo pasa den un dia cu un comisario di polis por tabata tin e falta di respet asina grandi, di bay declara cu si un polis den futuro bay haci uzo di su derecho di libertad di expresion manera bay participa den un demostracion, cu su coleganan lo tire.

Pueblo a bira loco ayera y e rabia cu expresionnan di comisario di polis Nectar a lanta den pueblo a yega na un extremo y tal limite, cu pueblo ta pidi pa prome ministro Eman no ni duna Nectar e satisfaccion pa tuma su retiro, pero cu Nectar mester worde kita di trabao lo mas lihe posibel.

Como comisario di polis hamas bo por haci un expresion asina y fuera di esey como comisario di polis bo a haci bo mes culpabel den corte dilanti di hues door di a laga un amenaza asina serio, haci door di miembronan di Cuerpo Policial pa cual bo ta responsabel y bo mester controla y domina, keda sin

worde persigui.

Esaki tabata e berguensa mas grandi cu un comisario di polis ta demostra dilanti di hues, cu e mes ta tolera violacion di ley den Cuerpo Policial y cu e no tin dominio riba su mesun personal.

Nectar como comisario 'titular' di polis, a demostra henter pueblo di Aruba cu e expresionnan cu el a haci contra polis Bennet, cu e no merece, no ta apto y no ta capacita den ningun sentido pa eherce e funcion di comisario di polis di Cuerpo Policial di Aruba.

Nectar a declara den corte cu Bennet no por bolbe mas como vocero di polis pasobra loke Bennet aparentemente a haci durante e demostracionnan a atacha integridad di Cuerpo policial anto kico e hefe maximo mes esta Nectar a haci dilanti di e organo mas halto di ley na Aruba esta Corte a haci ora cu el a declara cu polis lo tira Bennet?

Si na Aruba un hende a atacha e integridad di Cuerpo Policial Arubano anto esaki ta nada otro cu comisario di

polis, Alwin Nectar mes.

Tambe pueblo tabata di opinion cu e expresionnan di comisario Nectar mas bien tabata un amenaza general contra pueblo pasobra si comisario di polis ta declara dilanti di hues cu su polisnan ta bay tira Bennet si Bennet bay demostra den futuro anto ta con ta para cu otro ciudadanonan cu bay demostra?

Si bo mesun colega bo kier tira y bo hefe maximo no ta actua contra tal amenaza, anto cu otro palabra bo ta menazando pueblo cu e siguiente demostracion lo bay para caba den un baño di sanger door cu polis ta bay hunga un sorto di escuadron de la muerte.

Esakinan tabata algun reaccion cu DIARIO a haya di pueblo di Aruba y si awe comisario di polis Alwin Nectar no saca su conclusion y si prome ministro no saca e conclusion ey pe anto pais Aruba su democracia ta mal perdi y nos ta den un direccion hopi peligroso di dictadura y anarkia.

Presidente di SPA, Eric Zaandam

Hopi polis masha mal contento cu expresion di Alto Comisario Nectar den Corte



vember 2000 pasobra e mes tabata presente y ningun momento a worde papia cu lo bay usa arma. E expresion di lo bay usa arma no ta cuadra cu pensamiento di ningun polis pasobra cada situacion ta diferente. E expresion di halto comisario Nectar a cay den mal tera cerca miembronan di Cuerpo Policial.

ORANJESTAD (AAN) -- Presidente di SPA, Eric Zaandam, a duna di conoce na DIARIO durante un entrevista cu e expresion di halto comisario Nectar den Corte cu cierto agentenan policial a expresa cu otro biaha lo tira Bennett, a cay den masha mal tera den Cuerpo Policial.

Sindicato di Polis, a haya diferente reaccion di su miembronan cu ta mal contento cu e expresion aki. Zaandam a duna di conoce cu pa bay usa e expresion aki den Corte esaki ta un defensa pover.

Zaandam a splica cu tur polis sa reglanan di Polis caminda tur agente di polis sa bon bon ki ora y ki momento lo por usa e arma reglamentario cu nan ta cana cune.

Den un caso di manifestacion, semper tin un funcionario halto di polis cu tin mando riba tur e otro polisnan y ta e alto funcionario aki ta evalua y ta duna orden ki ora ta usa.

Zaandam a bisa cu si tin otro agentenan di polis cu a expresa loke halto comisario Nectar a bisa, lo no ta pa e manifestacion di 23 di No-

ARUBIANO TA COME ARUBIANO!!

